

Isu kependudukan akan terus dikaji, ambil kira pandangan warga

DPM Teo beri jaminan dalam usaha capai pertumbuhan inklusif dan bermutu

PEMERINTAH akan terus mengkaji pilihan yang ada dan mendekati warga negara ini mengenai isu-isu kependudukan dan mempertingkatkan prasarana, terutama berhubung perumahan dan pengangkutan.

Jaminan itu diberi Timbalan Perdana Menteri, Encik Teo Chee Hean, yang juga Menteri Penyelaras bagi Isu-isu Penduduk, di Parlimen semalam.

Beliau berkata usaha mendekati warga itu akan dijalankan menerusi pelbagai wadah termasuk inisiatif Perbincangan Singapura Kita dan forum lain.

Encik Teo berharap langkah-langkah itu dapat menangani masalah dan cabaran yang dihadapi bersama serta "memperkuh keyakinan dan persetujuan di kalangan warga Singapura mengenai masa depan yang harus dibina bersama".

"Kami juga akan menyemak dasar-dasar bagi memastikan pertumbuhan inklusif dan bermutu, yang

; Kami juga akan menyemak dasar-dasar bagi memastikan pertumbuhan inklusif dan bermutu, yang membawa manfaat kepada warga

Singapura... Kami akan terus membincangkan mengenainya dan sedang kita bergerak ke hadapan, warga Singapura akan memahaminya.

– Encik Teo Chee Hean, Timbalan Perdana Menteri yang juga Menteri Penyelaras bagi Isu-isu Penduduk.



membawa manfaat kepada warga Singapura," kata beliau.

Encik Teo berkata pemerintah akan menyediakan maklumat terkini mengenai kemajuan saranan Kertas Putih mengenai Kependudukan serta Pelan Penggunaan Tanah dan dijangka men-

gadakan semakan jangka pertengahannya sebelum 2020.

Menjawab soalan Anggota Parlimen Dilantik (NMP), Penolong Profesor Eugene Tan, tentang strategi pemerintah untuk mendapatkan sokongan warga bagi Kertas Putih dan pelan

itu, Encik Teo berkata pemerintah mempunyai lima bidang utama, iaitu:

- ▶ Menghuraikan tekanan prasarana;
- ▶ Membangunkan prasarana lebih awal daripada permintaan;
- ▶ Menggalak warga Singapura berkahwin;
- ▶ Memperlakan kadar pertumbuhan tenaga kerja asing; dan
- ▶ Menyemak dasar dan andaian kependudukan pada jangka pertengahan.

"Belanjawan tahun ini telah memperkenalkan langkah-langkah lanjut bagi melaksanakan semua itu.

"Ini termasuk langkah baru perkahwinan dan keibubapaan serta peningkatan besar pada sektor pra-sekolah, mengetatkan levi, nisbah pergantungan serta dan kriteria kelayakan bagi pekerja asing; mempertingkatkan sokongan bagi bantu syarikat tingkatkan daya penghasilan; Skim Kredit Gaji baru dan peningkatan pada Skim Tambahan Pendapatan Daya Kerja (WIS)," katanya.

Encik Teo selanjutnya berkata, pemerintah akan terus menjelaskan langkah yang amat diperlukan bagi mempersiapkan negara ini menangani cabaran sebuah masyarakat tua pada masa akan datang.

"Kami akan terus membincangkan mengenainya dan sedang kita bergerak ke hadapan, warga Singapura akan memahaminya," kata Encik Teo.